

SCRIPT OF EVENING GOJRI NEWS BULLETIN 18FEB 2026

1700HRS

اوننگ گوجری نیوز بولیٹن 18 فروری 2026

یوہ آکاشوانی جموں بے مشرف عظیم تے نصرت تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے کٹرا مانہہ اچ شنکر اچاریہ مندر غی سنگ بُنیاد رکھی اصل مانہہ یوہ منصوبو سال 1960 غی دبائی مانہہ تصور کیو گیو تھو تے کئی دبائیاں غا انتظار تیں بعد ہون اگے بدھیو ہے۔
- ۲۔ وزیر اعلیٰ عمر عبداللہ نے قانون ساز اسمبلی مانہہ 13 باقاعدہ مطالبات تے 19 ضمنی مطالبات پیش کیا ہیں، جن ور وے پلکین جواب دیں گا۔
- ۳۔ جموں کشمیر غی کرکٹ ٹیم نے ایک یادگار کارنامو انجام دیتا وں 67 براں مانہہ پہلی واری رانجی ٹرافی غا آخری مقابلہ مانہہ اپنی جگہ بنائی، جس ور لیفٹیننٹ گورنر تے وزیر اعلیٰ نے ٹیم نانہہ مبارک باد پیش کی۔
- ۴۔ 6 ویں قومی رافٹنگ مقابلو پلک تیں ضلع ڈوڈہ گا شب نوٹ مقام ور شروع ہون جاریو ہے۔
- ۵۔ محکمہ موسمیات غے مطابق جموں کشمیر مانہہ 26 فروری توڑی موسم زیادہ تر خشک رہن غا امکان ہیں تے کسے وہ قسم غی بڑی بارش یا پرفباری غی توقع نی ہے۔

LG KATRA

لیفٹیننٹ گورنر منوج سنہا نے اچ ضلع ریاسی غا کٹرا مانہہ شری شنکر اچاریہ مندر غی سنگ بُنیاد رکھی ہے۔ اس مندر غا بنان غو مقصد مزبئی سہولیات تے سیاحت نانہہ فروغ دینو ہے۔ یوہ مندر ترکوٹہ پہاڑیاں مانہہ شری ماتا ویشنو دیوی شرائین غے نزدیک بنایو جائے غو اس منصوبہ مانہہ تقریباً 31 کروڑ روپیا غی لاگت درکار ہے جہڑی جے شری ماتا ویشنو دیوی شرائین بورڈ ادا کرے غو۔ اُمید کی جارنی ہے جے اس مندر غی تعمیر سنگ مقامی لوکاں گا روزگار تے علاقہ غی معشیت نانہہ فائدو وے غو۔ اس موقع ور ایل جی موصوف نے ذرائع ابلاغ سنگ گل کرتا وں اس طرح کہیو۔۔۔

CM GRANTS

وزیر اعلیٰ عمر عبداللہ نے اچ بکھ بکھ سرکاری محکماں غا اضافی غی منظوری فنڈز حاصل کرن بارے قانون ساز اسمبلی مانہہ 13 باقاعدہ مطالبات تے 19 ضمنی مطالبات پیش کیا ہیں۔ یہ مطالبات اہم شعباں جن مانہہ بجلی ریاستی ایکسائیز تے ٹیکس، انصاف غی انتظامیہ، تعلیم، کھیڈ، ہنر تے ثقافت، صحت و طبی تعلیم، سیاحت و زراعت، مویشی پالن تے درجا فہرست ذات، ایس۔سی، تے فہرست قبائل ایس۔ٹی تے دیگر پسماندہ طبقات او۔بی۔سی غی فلاح و بہبود شامل ہے۔ واضع رہ جے ارکان اسمبلی نے فنڈز غی تقسیم تے ترجیحات غا تعین ور غور خوض

شروع کرلیو ہے۔ اس سلسلہ مانہہ بحث کل وی جاری رہے گی جد کہ وزیر اعلیٰ
پلک ایوان مانہہ اراکین غا سوالات غو جواب دیں گا۔

ITOO OFFSITE CAMPUSES

وزیر تعلیم سکینہ اتو نے اج کہیو کہ حکومت جموں یونیورسٹی غا بکھ بکھ باہر
قائم تعلیمی مرکز مانہہ بنیادی ڈھانچہ تے اساتزہ غی تعداد بدھان ور توجو کر
رئی ہے۔ انہاں نے اسمبلی مانہہ رکن اسمبلی ڈاکٹر سنیل بھاردواج غا سوال غو
جواب دیتا واں کہیو کہ جموں یونیورسٹی غا 11 باہر قائم تعلیمی مرکز مانہہ
یونیورسٹی کونسل نے منظوری دتی ہے۔ جن وچوں 7 اس وقت بھدرواہ، کشتواڑ،
ادھمپور، ریاسی، رام نگر، کٹھوعہ تے پونچھ مانہہ کم کرربیا ہیں۔ اس موقع ور گل
کرتا واں، وزیر موصوفہ نے اس طرح کہیو۔۔۔۔۔

DAR CENSUS

وزیر برائے دیہی ترقی تے پنچائتی راج جاوید احمد ڈار نے اج اسمبلی مانہہ
دسیو کہ حکومت نے مردم شماری 2021 غا عمل نامہ مکمل ہون توڑی مرکزی
زیر انتظام علاقہ غا تمام انتظامی یونٹیاں غی حدود ور عارضی روک لانی
ہے۔ وزیر نے عبدالمجید بھٹ غا سوال تے میر سیف اللہ غی طرفوں پوچھیا گیا
اضافی سوال غو جواب دیتا واں کہیو کہ، جموں کشمیر پنچائتی راج ایکٹ 1989
غے تحت پنچائتی حلقاں غی حد بندی صرف آبادی غی بنیاد ور وے۔ تے یوہ
عمل مردم شماری غے بعد ہی کیو جے۔ انہاں نے کہیو کہ حکومت پنچائتی حلقاں
غی منصفانہ ترقی تے مناسب تنظیم واسطے پُر عزم ہے۔

RANJI TROPHY

جموں کشمیر غی کرکٹ ٹیم نے ایک یاد گار کارنامو انجام دیتا واں بنگال ٹیم
نامہہ سیمی فائنل مقابلہ مانہہ 6 وکٹاں تو شکست دے غے پہلی بار رانجی ٹرافی
غا فائنل مانہہ جگہ بنالی ہے۔ یاد رہے یوہ میچ کلیانی مانہہ کھیلیو گیو ہے
آخری دن 126 رنز غا ہدف نہ پورو کرتا واں جموں کشمیر غی ٹیم نے پُر
اعتماد انداز مانہہ مطلوبہ اسکور حاصل کرلیو۔ اس کامیابی مانہہ سنسراج شرما
نے 43 تے عبدلصمد نے 30 رنز غو اہم کردار ادا کیو اس تیں پہلاں تیز بالر عاقب
نبی ڈار نے شاندار بولنگ کرتا واں 9 وکٹ حاصل کی تے ٹیم غی جیت غی
مضبوط بنیاد رکھی۔ اس بڑی کامیابی سنگ ٹیم گا کپتان پارس ڈوگرہ نے رانجی
ٹرافی مانہہ 10 ہزار دوڑ مکمل کرن آلا دوجا کھیڈاری بن گیا ہیں، جہڑو ان غا
پیشہ غو بڑو اعزاز ہے۔ لیفٹیننٹ گورنر منوج سنہا نے ٹیم نامہہ مبارک باد پیش
کی جد کہ وزیر اعلیٰ عمر عبداللہ نے وی اس ٹیم غی تاریخی جیت ور مبارک باد
پیش کی۔ ان نے بولتاں واں اس طرح کہیو۔۔۔ قانون ساز اسمبلی غا سپیکر عبدالرحیم
راتھر نے دیگر اراکین اسمبلی غے نال مل غے جموں کشمیر کرکٹ ٹیم نامہہ
باوقار رانجی ٹرافی 2026 مانہہ پہلی واری آخری مقابلہ توڑی پُجن ور مبارک باد
پیش کی۔ اسے دوران سابق راجی کھیڈاری تے موجودہ جموں کشمیر کلینڈر 16
کرکٹ ٹیم غا کوچ سمیر کھجوریہ نے وی مبارک باد دیتا واں اس طرح کہیو۔۔۔۔۔

RAFTING CHAMIONSHIP

وین قومی رافٹنگ مقابلو پلک تیں 22 فروری 2026 توڑی ڈوڈہ غا شب نوٹ مقام 6
ور منعقد وے غو۔ اس مقابلہ غو اہتمام جموں کشمیر محکمہ سیاحت نے ضلع
انتظامیہ ڈوڈہ غا تعاون تیں کیو ہے۔ اس مقابلہ ماہ بہترین رافٹنگ ٹیم
خوبصورت دریائے چناب ماہہ حصو لیں غی۔ اس مقابلہ غو مقصد جموں کشمیر
ماہہ مہماتی سیاحت ناہہ فروغ دینو تے پانی غا کھیڈ واسطے علاقہ غی بڑی
صلاحیت ناہہ اُجاگر کرنو ہے۔ حکام نے 4 روزہ قومی تقریب واسطے مکمل حفاظتی
تے انتظامی انتظامات کیا ہیں۔

KIWG BIKE RALLY

جموں کشمیر کھیڈ کونسل نے اج سرینگر ماہہ کھیلو انڈیا سرمائی کھیڈ 2026 غا
آغاز تیں پہلاں موٹر سائیکل ریلی غو انعقاد کیو، جھیڑو 23 فروری تیں شروع
وے غے۔ کھیڈ بارے سیکرٹری نذبت گل نے کہیو کہ اس قدم غو مقصد
نوجواناں ماہہ منشیات تیں پاک تے منصفانہ کھیڈ ناہہ فروغ دینو ہے تانجے
صحت مند مقابلہ ناہہ بڈھاوو دتو جاسکے۔ ریلی ماہہ شامل شرکاء نے شہر غا
اہم علاقوں غو دور و کیو، تے صحت، کھیڈ غا ادب تے کھیلو انڈیا جزیہ غا بارا
ماہہ آگاہی پھیلائی۔ حکام نے کہیو کہ اس طرح غا اقدامات نوجواناں ناہہ مثبت
سرگرمی ماہہ شامل کرن تے پورا علاقہ ماہہ صحت مند طرز زندگی ناہہ فروغ
دین واسطے جاری رے غو۔ اس موقع ور ذرائع ابلاغ سنگ خطاب کرتا واں
جموں کشمیر کھیڈ کونسل غی سیکرٹری نذبت گل نے اس طرح کہیو۔

SOCIAL WELFARE POONCH

ضلع پونچھ غا سماجی بہبود محکمہ نے بزرگ شہریاں غا مسائل سنن تے ان
غی مدد واسطے ایک خصوصی پروگرام غو انعقاد کیو۔ اس تقریب غو مقصد
بزرگاں غی شکایت ناہہ دور کرنو تے ان غی صحت تے فلاحی سہولیات بارے
آگاہ کرنو تھو۔ ڈپٹی کمشنر اشوق کمار شرما نے پروگرام غو افتتاح کیو تے کہیو
جے بزرگ مارا معاشرہ غو قیمتی سرمایو ہیں جس واسطے ان سنگ عزت و
احترام سنگ پیش آنو چاہیے، تے انہاں ناہہ بروقت مدد فراہم کرنی ضروری ہے
۔ اس موقع ور بزرگ افراد نے پنشن، علاج تے دیگر سرکاری سکیمان بارے اپنا
مسائل دسیا جس ور موجودہ افسراں نے رہنمائی تے حل فراہم کیا۔ اس تقریب
ماہہ صحت مند زندگی اچھی غذا تے احتیاطی تدابیر غی اہمیت ور وی زور دتو
گیو۔ اس موقع ور گل کرتا واں ڈی سی موصوف نے اس طرح کہیو۔

WEATHER

بھارتی محکمہ موسمیات نے اج کہیو کہ جموں کشمیر ماہہ 26 فروری توڑی موسم
زیادہ تر خشک رہن غا امکان ہیں۔ تے اس دوران کسی وی قسم غی بارش تے
برف باری غی کوئی پیش گوئی ی ہے۔ محکمہ غے مطابق، پورا خطہ ماہہ
مجموعی طور ور موسم پُر سکون رے غو، تاہم کُجھ اُچا پہاڑی علاقوں ماہہ
رُک رُک غے ہلکی برف باری

ہوسکے رہائشیاں تے مسافراں نانہہ با خبر رہن واسطے کہیو گیو ہے۔ اس بارے
مزید گل کرتا واں محکمہ موسمیات غا ڈائریکٹر مختار احمد نے مزید اس طرح
کہیو۔-----
